

OMUKWETU

Oshifo shOngerki onkwaevangeli paLuther yomOwambokavango / Die Tydskrif van die Evangeliese Lutherse Ovambokavango Kerk

No. 13

JULI

1967

EFIKU LETUMO

Gal. 1:11,12.

Omutumwa Paulus ta ti:Evangeli kali fi lomunhu.

Ovakriste ovaholike, otu na ehafo linene okudiladila evangeli eli tu li na kutya, kali fi lomunhu. Kali fi oshinima twe shi likongela fye vene, ahowe. Evangeli olaJesus Kristus, ou a pewa epangelonghono adishe meulu nokombada yedu. Paenghono odo oye

ta tumu ovahongwa vaye ta ti: "I-ndeni nounyuni aushe mu ka udifile ovashitwa aveshe evangeli." (Mark.16:15) Ovahongwa ova pewa vaka udife evangeli laJesus Kristus.

Omkriste keshe a ifanwa a kale omutumwa waKristus, a udife eenghedi da ou e mu ifanamo momilaulu okuya kouyelele woshinge "(1 Petr.2:9). Evangeli olo ouyelele ou Tate Kalunga e u tumina mounyuni, Ps. 119:105. Omutumwa keshe oku na ouladi okuudifa evangeli laKristus, osheshi olo elaka linvenye lexupifo, olo tali ehenifa ovashitwa aveshe kuJesus va mone etulumuko.

Osho yo mokupwilikina evangeli laJesus Kristus omunhu keshe ote li tambula naanaa meke laKristus okOmhepo Iyapuki. Nomevangeli laKristus omunhu ta mono eitavelo laKristus Rom.10:17. Nde evangeli olo tali ningi omunhu omuhepaululi waJesus Kristus mokati kovanhu aveshe.

Evangeli laKristus tali tula omunhu ohole yaKristus, nohole yaKristus otai fiminike omunhu okulonga oshilonga shetumo, 2Kor. 5:14. Mokulonga moshilonga shetumo omunhu ta diladila efimano laKalunga, Kol. 3:7 havanhu Kol. 3:23.

Ovakriste ovaholike, evangeli laKristus nali twalwe ngaashi a ti: osheshi Tate Kalunga e tu shiivifa tu dulike kuJesus Mat. 17:5. Owa udako tuu? Owa hovela nee okuudifa evangeli? Kaume ou na ngaa omhito okuudifa evangeli ngaashi: okwiilika-nena, okuudifa evangeli laKristus apeshe nokuyandja sha shomeliko loye koshilonga shetumo. Okulonga oilonga oyo, osha fatululwa nawa membo "Nounyuni Aushe."

Kape na omukriste ta kala ita longo oshilonga shetumo. Paulus ta ti: "Woo, nenge itandi udifa evangeli laKristus Kor. 9:16.

Paulus Andreas.

Omusita a yapulwa

Mariental. - Aakriste ye vule eyuvi oya gongala, omoshituthi sheyapulo lyomusitagongalo gwaRyns megongalo lyaMariental, omusamane Willie Swartze. Eyapulo lya ningwa kcmuhongi omukuluntu omusamane Ferreira.

Komufala gwoshitopolwa shoka, cmusamane A. Erasmus nooyakwa-wo, oya kala moshituthi. Komufala a popitha aantu nokwa pukulula unene aagundjuka. Oongundu dholwiimbo muRehoboth, Auob naMariental, odha imbi nuupenda moshituthi.

OMBIMBELI MOSHIBUSHMAN OTAYI LONGEKIDHWA

Omusamane J. T. M. de Jongh van Arkel, amushanga gwEhanganombimbeli muSuid-Afrika, okwa popya omasiku ga zi ko kutya: Ombimbeli yOshibushman otayi longekidhwa ngashingeyi. Omuhongi F. Weich gwongerki yAandowishi muTsumeb oye ta lundululile Cmbimbeli mOshibushman. Ta longele pamwe nombelewa yomalaka mOvenduka ndjoka tayi kondjo mokutota omikalo dhokusipela oondanda melaka ndika.

Omusamane Arkel okwa tumbula wo kutya, Ombimbeli melaka lyOshikwanyama kayi li kokule nokupwa. Iilonga yayo ya tamekwa konima yoomvula 12 dha pita. Osho wo elaka lyOshikavango otali longwa. Nokuli Evangeli lyaLukas olya holoka nale melaka ndika.

U. G. Haikali Ohanguena ota ti: Aamwameme manga mu li methimbo lyuundjendi kaleni mwa tonata. Oshoka Omuwa ote tu kumagidha tu kale twa longekidha omagumbo getu, molwashi inatu tseya uuna ethimbo lyetu tali pupo kombanda yevi. Aakuluntu, aagundjuka naanona naa kale ya tonata. Omutondadhi ota hakana oyendji pethimbo ndika, ihe omunelago ongoka ti igandjele Omuwa manga e li muuyuni mbuka.



Paulus Andreas

ONKE ANO OMUNTU NGOYE ROM.2:1-4.

Onke ano omuntu ngoye, waa neipopilo, u kale nando olye ho pangula. Oshoka pumbyoka ho pangula omuntu, oho ipangula ngoye mwene, oshoka ngoye nguka hopangula, osho wo ho ningi.

Ou shi shi, epangulo lyaKalunga lyopashili tali adha mboka haa ningi ngeyi. Nenge omuntu ngoye, nguka ho pangula mboka haa ningi ngeyi, nangoye ho shi ningi, ou shi oto yi ando epangulo lyaKalunga ontuku? Nenge u lipo wa dhini etango lyuwanawa nolyontalanteni no'yomutima omule gwe, ngoye ku shi kutya, uwanawa waKalunga otau ku hili u itedhulule.

ISRAEL NAEGIPITI MONALE

Momakolokoto aa opokati ka-Israel naEgipiti, kapa kala inapa diladilwa osho oilongo ei ya kalafana monale.

Oshiwana shOvaisrael osha pewa edu eli lavo kuKalunga pahistoli. Ove uyamo va pitifwa kuKalunga moupika muEgipiti, omo va kala eedula dihapu nokulongifwa oilonga yoshikwau-pika. Oshiwana eshi oshitekulu sha-Abraham otashi shiiva naanaa ehistolli looinakulu.

MuEgipiti mwa kala ovapangeli ooFarao. Papangelo ovo ooinakulu vaNasser. Nghene ocinakulu va li va pika Cvairael, oshi li natango moma-dimbuluko avo. Ependa loita laIsrael Moshe Dayan(52), ola tele Ovaegipiti omudo 1956, eshi pa holokele onyaka-kanyaka pokatj kavu, onghe noikone-ne opo i li.

Ondjovo yCmbibeli Kalunga e i tongele oshiwana shOvaisrael, otai wanifwa. Otwa lesa, osho oshiwana oshihoololwa, onghe Kalunga ote shi longele ngaashi e shi nunina.



Moshe Dayan.

EPWAMPWA LYASUEZ LYA PATWA MANGA

Omolwiita mbyoka ya kala pokati kAaisrael nAayegipiti, opwa tokolwa ooskepa dhaa ende we manga me-

futa lyopokati. Ooskepa adhihe ndhoka dha li dha hala okupita mepwampwa ndyoka, otadhi ka endela kOkapa. Opu na nookuli ooskepa omilongo odhindjilela dhi li mondjila okuya pu-Tafelbaai muKapa.

OONTOKOLWA DHEPANGELONGERKI

1
Epangelongerki lya taamba nepandulo ehiyo lya zi komuwilikingerki yAandowishi mUushimba omusamane O. Milk, tali hiya omapangelongerki goongerki ndhika ndatu oonkwaLuther muSuidwes-Afrika ga gongale ku-mwe mOvenduka eti-15 lyaAuguste 1967.

2
Epangelongerki lya taamba nepandulo ehiyo tali hiya Ongerki yetu koshituthi oshinene shomimvo 450 sho dha piti, Luther sho a yelitha eitaalo. Oshituthi shika otashi ka ningwa moshilando shaLuther muWittenberg. Epangelongerki otali uutha omumbisofi a ye ko, nongele ita mono ompito Kristof Shuuya ngoka e li muSocmi a kale omupeha gwe.

3
Epangelongerki sho lya kundana onkundana yiita ya holoka pokati kAayisrael nAayegipiti, otali indile omagongalo naakriste ayehe ya galikanene ombili yuuyuni, opo Kalunga a mbilipaleke uuyuni mbuka waa nombili.

ETAAMBATHANO LYIIGANDJWA YOMUUSHIMBA:

Ayakuli aakwetu aasita naayevangeliste yomUushimba, ombelewangerki otayi mu pandulile eyakulo lyeni lyokweenditha iigandjwa yiilyo yongerki yetu muushimba mombaanga "Die Ev. Luth. Ovambokavango Kerk, Standard Bank, Tsumeb." Otandi endulula natango euvathano lyetweni moku-tuma iimaliwa mombaanga nokutseyitha ombelewangerki, li kale aluhe pa-landulathano ndika:

1. Esiku ndyoka wa tula iimaliwa mombaanga, olyo esiku to tumine ombelewangerki: a) uumbapila wuunzapo moka wa kutha omwaalu wa tula mombaanga. b) Okambapila kombaanga ndjoka ya taamba iimaliwa, manga okakwawo to kii pungulile. Nongele ombaanga inayi ku pa uutaambitho uyali, tuma ano kutse hoka wa pewa pamwe nuutaambitho wiigandjwa.

2. Iimaliwa ya tulwa mombaanga ngele oyi li mumwe noongalo nenge nomagano, nyola efatululo kutya, iigandjwa ingapi noongalo ngapi, opo shi tu kwathe omambo getu ga kale nomafatululo ga gwana okutukwatha mukuyoolola iimaliwa mbika noku yi thikithila omagongalo ngoka ge yi tumi-nwa.

M. Ngipandulua.



Abdul Nasser.

MEGAMENO LYAKALUNGA KAMU NA IIPONGA

Otandi hambelele Kalunga sho a gamene ndje miiponga oyindji ya li ya kundukidha ndje. Esiku limwe manga nda li miilonga tandi hingi olo-li yootona 20 onda gwile nayo mon-dama. Kalunga okwa kwatha ndje nonda hupu. Konima yomasiku onda yi kegumbo. Otwa zipo tuye kUushi-mba, mokugaluka onda gu moshihau-to. Onda li ndi shi okwaako kwandje okwa teka, ihe nani Omuwa o-kwa gamene ndje ndaa teke.

Otandi hambelele Kalunga ka-ndje kehe esiku mokukala kwandje akuhe. One aamwameme inamu dhi-mbwa ndje momagalikano geni, opo ndaa dhimbwe po Omukwathi gwa-ndje.

W. Mumbala.

OKURSUS YOVAWILIKI WOUNGUDU MONIIPA

Neudo ovawiliki vovanyasha ova tunga elandulafano loilonga nova diladila okuningila ovawiliki vougudu ovo "Hamunona — Hamukulunhu" okursus.

Okursus ei oya ningilwa mCniipa meumbo olo la li lakaume kOvawambo tate "Katau." Ova kalimo ova li ovadiakoni vongerki yetu yaELOK. Ovawiliki ova li omulongi Aune shilongo naAune Autio.

Elalakano ola li okupukulula ovadiakoni nghe ve na oku ka longa mokati kougudu twe u tumbula pehovelu. Okulilonga omaudano mape taa wapalele aveshe, okuninga yo eetundimbibeli dopakanona ile dopefimbo lavo. Ovawiliki ve lipyakidila nouladi okumona oinima ipe efiku keshe. Oinima yokuhafifa iwa, na unene eetundimbibeli da li diwa shili. Meme S. L. Kyrönseppä a kala noshilonga sheetundimbibeli mokati kovadiakoni

Momafiku oo otwa pewa yo ovataleli po vahapu. Onguloshi imwe twa talelwa po kaakongindjila. Elalakano lavo ola li oku tu fatululila oshilonga shavo shoukongindjila. Ove tu ulukila omafano avo amwe mokino eshi va li konhanda yavo. Otwa li twa hafa unene notwa tuwa yo omukumo moshilonga shetu.

Twa hafela yo okwiimba mongerki yaNiipa nokOnandjokwe. Twa ningila ounona ovakaleli vovanaudu ohungi. Aishe ei oya li ye tu hafifa unene. Pomafiku oo a yuka pexulilo otwa tumbula alushe kuTate: "Inatu hala okudja po, fimbo ino tu nangeka noupuna."

M. Nafidi

AAROOI CHINA OMATHELE OYE LI MUSUID-AFRIKA

Pwa hokololwa kutya, omusamane P. J. Venter (44), nale a longa miilonga yepangelo lyomeni lyoshilongo, okwa pangulwa nokwa pewa a kale mondholongo shi vule omimvo omugoyi. Okwa pangulwa, oshoka pomimvo 1960-66 anuwa okwa pitha aaRooi China oyendji okuya muSuid-Afrika muumbudhi.

Omusamane Pelsler, oministeli yuuyuki, okwa popi kutya, aantu mbaka oya zi momavi guukomuni noye ya muSuid-Afrika pwaa nepitikilo. Uudhigu ou li po okuya shunitha, oshoka China okwa ti, ite ya taamba ya shuneko. Pamayalulo gaapolosi aaChina muSuid-Afrika oye li mo ya adha 400.



Ovawiliki tava pukululwa komweenda Aune Autio.



Ongudu yovawiliki, ano ovadiakoni moshongalele shavo pOniipa.

OIPONGA IVALI YODILA YA KANIFA EEMWENYO 160

Ovaingilisha 160 va hangika mo-weenda wefimbo lefudo kumwe novashingi veedila ova fya moshiponga shodila. Oshiponga eshi osha halukifa ee-


IIKUNUWA TAYI GANDJWA KAALUUDHE YASUIDWES

Aaluudhe yaSuidwes otaa ka egululilwa okunwa, okulongitha nokulanditha iikunuwa yaatiligane, mbyoka ye yi indikwa nale. Aanepangelo ya panda etokolo ndika.

mwenyo dovatilityane vomuBritanje nde va nyika oluhodi. Ohambakainhu Elizabeth okwa tuma moshilongo etumwala leuditonghenda. Eshiiwifo loshiponga ola udifwa koministeli yoikwamina noilandifwa, omushamane Douglas Jay.

Kwa hokololwa kutya, odila ya mona oshiponga tete, oya li novanhu 83 kwa wedwa ovashingi vatano. Ei oye lidenga mondudu Canigou, eemaila 12 keengaba daSpania naFrans. Odila onhivala, ya li novanhu 72 kwa wedwa ovashingi vatano, oya mbolokotela mokati koshilando Stockport muCheshire, ye lingwandjula momakuma omatungilo nde tai xwama. Meedila edi omwa li ovakulukadi, ounona novalumenhu.

OSHIGONGI SHAAPANGI AAWAMBO- ILENI KUNGAME OTANDI MU PE EVULULUKO



Aapangi oya gongalele oyendji mOnandjokwe. Aawambo aanelago shili, oshoka ongundu ndjika otayi kondjele uukolele woshigwana shika.

Omuwa Jesus ota ithana ileni. Otse aapangi otwa li twa longekidhilwa eithano ndika, otse ngaashi tu li twa vulithwa komalutu nokoomwenyo ongele kiilonga nenge kuudhigu wopendji. Omuwa Jesus mwene e tu longekidhile omasiku gokuvululukwapo.

Eti- 26/5/1967 esiku ndyoka olya li Iyemonathano enene kaapangi atuhe. Pcmweelo omunene gwOnandjokwe opwa li enyolo ndika: "Mwe ya po aapangi." Ekundo ndika olya etele kehe gumwe enyanyu sigo omeni lyegumbo, oshoka ayehe oya etelwa edhi'adhilo ndika, oya tegelelwa shili. lihauto ayihe oya thikama poshinyanga shoshigongi mpoka ayehe ya ulukilwa mpoka ye nokulala. Ayehe oya mono omahala gokulala nando ya li po 120. Potundi 7.30 aapangi ayehe oya gongala mohungi. Ekotadhiladhilo lyoshigongi olyo: "Ileni kungame otandi mu pe evululuko." Omupangi omukuluntu Marja Kuokkanen moku popitha aapangi okwa tumbula wo e-tumbulo ndika, ileni kungame. Okwa-fatulula, haye ando iithana aapangi ileni kungame, aawe, oJesus mwene a tumbula ngeyi: Ileni kungame otandi mu pe evululuko. Okwa hala aapangi ayehe ya vululukwe koho yoopadhi dhe.

Petameklela otwa dhimbulula Jesus mwene oye a hiya oshigongi shika. Omutamelithi gwohungi J. Nghilundilua a lesa Mat.11: 28, a holola kutya, Jesus Kristus oye omwiithani gwaantu nokwa hala oku ya pa evululuko, onke sho a tala omvulwe yaapangi nokwaa na ethimbo poohapu dhaKalungaa molwiilonga yi li noyi ili, onke a hala oku ya pa evululuko moshigongi shika.

Aapangi Aanandjokwe oya nyanda ehokololo lyaNebukadnesar naagundjuka ye Daniel, Sadrak, Mesak naAbednego. Olya nyanyudha aatali ayehe notwa mono Kalunga ota kwatha mboka ye mwiinekela. Omaimbilo giiketala nuuhiya ito zi mo. Opwa li wo omakundilo omawanawaga zi kuSoomi. Omutumwa gwaapangi J. Shikulya kOmindaniba okwa lesa Mat. 9: 24. Okwa hokolola iilya oyindji ihe aalongi aashona. Ohungi oya hulithwa kutate E. Angula pahapu dhaJesus Kristus. "Otandi mu pe evululuko."

Esiku lya landula otwa ningilwa otundimbimbeli kumeme L. Kivelä. Muka okwa yelitha nkene omuntu ta pumbwa oombinga adhihe mbali, olutu nomwenyo paOmay. 4: 22, 16:24. Okwa holola kutya, omupangi na ka-

le e na oshimpwiyu sholutu nomwenyo gwomuvu gwe. Jesus e ya okuhanganitha oombinga adhihe mbali olutu nomwenyo Jes.53: 4-5.

Otwa ningilwa ootundimtimbeli dhi ili nodhi ili kuDr. H. Schantz, K. Haldin nameme Marja Syrja nkene omavu taga holoka notaga pangwa.

Otwa ningilwa ohungi yetumo kumeme Kirsti Pakkala, omukuluntutumwa Arvo Eirola na J. Shikulya. Pamafano twa talele po omapya getumo mongerki yetu. Tate J. Shikulya a holola nkene ta pumbwa omagalikano mokulonga kwe.

Tate A. Eirola okwa holola nkene aatumwa yotango ya tameke niilonga iyali, okuuvitha nokupanga aavu noya li ya vulwa okuhumbata iilonga iyali pashita, sigo ya pula aapangi aatumwa nokonima omundohotola wo. Okwa holola nkene oshipangelo shetumo tashi siloshimpwiyu aavu kolutu nokomwenyo pahapu dhaKalunga. Okwa holola wo kutya, omupangi a kale noshimpwiyu shomwenyo gwomuvu gwe. Tate M. Nghipandulua a tumbula nkene aapangi ayehe yongerki yetu taa siloshimpwiyu sho taa longo oshilonga shetumo niiniwe yawo. Okwa lesa Eps. 100, nokwa halele aapangi eya-

KAVANGO AYEHE MONANDJOKWE

mbeko lyOmuwa. Ohungi ndjika yetumo oya li ombwanawa shili okupulakenwa.

Ongula yosondaha otwa tameke noshituthi shUulalelo uyapuki. Moka otwa dhimbuluthwa nkene tu li medhiya lyaBetesda paJoh. 5: 1-9, twa pumbwa ekwatho.

Pethimbo lyomambo twa yi mongerki yokOniipa moka aapangi ya umbu ongalo vawo yetumo.

Potundi ontitantu otwa ningilwa otundi yuudiakoni kumeme Irja Repo moka twa fatululilwa ekota lyuudiakoni wowene. Tate E. Angula e tu popitha noohapu dhaKalunga ndhoka tadhi tu ulukile nkene tu nokulongela Kalunga nokwe tu hololele elongelokalunga li na omulilo na ndyoka lyaa na omulilo. Noartali yi nomulilo gwaKalunga nkene tayi pumbiwa shili paAak. 18: 21-38. Okwe tu kumidha wo noohapu dhaKalunga tu longeleni Omuwa twaa na uumbanda, oshoka oye te tu wilike mokulonga kwetu akuhe.

Mohungi yahuginina aanashigongi ayehe ya pewa ompito okupopya nokulalekathana. Otwa li wo twa meno ompito okunyola oombilive odhindi kookuume ketu ye li muSoomi, otwe shi ningi nenyanyu nohole nndjuulukwe onene. Aakwanashigongi ayehe oya pandula unene sho ya paluthwa komalutu niikulya iiwanawalele. Osho ngeyi otwa tekulwa komalutu nokoomwenyo.

Aanashigongi sho ya li po 120, ka pwa li ethimbo okuminikathana omuntu nomuntu, onke peha lyokuminikathana miikaha twa thikama tu li momikweyo nokwiimba mehanganano 640, otwa li shili twa nyanyukilwa elalekathano lya tya ngaaka.

Otatu pandula tate Kalunga sho e tu longekidhile ethimbo ndika lyoshigongi, notwa taamba kuye omayambeko ogendjigendji.

Omusitagongalo J. Nghilundilwa,
Omupangi Nd. Haihambo,
Onandjokwe.

OONKAMBADHALA DHAAMATI YAMWE

Oonakukala moofalama ohaa hepekwa kenota nokondjala yohapu dhaKalunga. Omolwoluhepo nduka, aamati yamwe muumbangalantu waTsumeb, ya tameke oshilonga shokuuvitha nokulonga mokati kayakwawo.



Mpaka ccrcigi oye li fcrdje posleelo shongerki yOniipa esiku lyomambo.



Aapa igi okuza kolulyo L.Auala, V.Shaende, Eino Nuujoma taa kundathana.

ILA U TALE

Shaa to lombwelwa ito gwana, nale owa li wa mono omashina goku nyanyangidha haga kweywa kuHesekiel Ijambo, Haye we. Nena opu na ontana hayi ikweya yoyene.

Eshina ndyono otwe li hungana nale, ngashingeyi omo li li moshinyanyangidho tali kweywa kolusheno ondomo niifo olyolyene.

Yo ongolo yakumulilo tayi mono otatu shi longadhala, ye eta omashina

gokuthankela aantu miitenda, oto tala, oku na wo eshina lyokutelekulula oondanda. Katu shi wo komeho, uwanawa auke.

Elalakano lyiilongitho mbino olyo okuuvitha eso neyumuko lyaJesus. Indeni ano kangingeni ayehe aalongwa yandje. Osho Omuwa Jesus a ti.

Elalakano lyoonakulonga muka niilongitho yawo osho taa hala ayehe ya uve ewi lyOmuwa manga pu na ethimbo.

Julius Niilonga.

EENGHUNDANA DONGONGAHANGANO YOVAKWALUTHER

Ovaponhele veengerki eenghwaLuther mounyuni, ova shakena novaponehele vongerki yaOrthodox. Ova kundafana omakwatafano a totwa pokati komaitavelo aa avalu. MuConstantinopel, Patriarch Athenagoras IV (efano DV/TK/1), ota kundu omubishofi omukulunhu waFinland, omushamane Martti Simojoki (kolulyo,) ou a ninga omuponhele – presidente wongongahangano yovakwaLuther mounyuni nosho Dr. André Appel (kolumosho), hamushanga wongongahangano yovakwaLuther mounyuni. Omafiku manini muAthen, omubishofi omukulunhu Chrysostomos (efano DV/GK/1) okwa holcla ehafo laye eshi va hala okulongela nomaitavelo opaLuther naOrthodox. Omuprofessori Markus Siotis (kclumosho) waAthen, ova kunda ovaenda vongongahangano yovakwaLuther.



Constantinople DV/TK/1



Indonesia DV/IDO/1

Mefano eli hamushanga akula wOngongahangano yovakwaLuther, Dr. Appel, naDr. Arne Sovik omuwiliki wongongahangano yovakwaLuther kombinga yetumo, ova shakena nomushamane T.J. Shihombinga, omuwiliki wovakriste omilyona imwe vongerki Batak Protestant Christian Church muIndonesia.



Efano Lu 12


Apa otapa monika efano onomola LU12 laKatharina von Bora omukulukadi waDr. Martin Luther, a kala peedula 1499-1552. Efano lovenevene oli li paife momuseum yepangelo lomuBerlin. Ongulu omo Luther a li he lihengele eedula needula, oi li muWartburg Fortress i li ngaashi ya kala nale. Oto i mono mefano lonomola LU 10.



Athens DV/GK/1



Efano Lu 10



OMUPRESIDENTE SWART MOFALAMA YAYE

Omupresidente nanekulu laye C. R. Swart, ovo va efa oshilonga shavo shoupresidente, konima eshi va kala mo noupenda paife ove li mofalama yavo tava fuda.

Epangelo laSuid-Afrika, pashiiyifo lomushamane Vorster ola fimaneka omushamane Swart ou a longela noupenda epangelo.

VATI HAVAWAMBO VALI MEEDOLOPA

Moshifo die Suidwes – Afrikaner sheti-2 Juni 1967, mwa popiwa kutya: Epangelo laSuidwes ola tokola okunipika Ovawambo ovo tava longo moilando mOushimba. Ponhele yavo ku kutwe eedalelelela domOushimba. Pamwe ovahona vokumbeshitela Ovawambo navo tava patwa oku shi ninga.

OvakwaLuther paife ove dule omilyona imwe muIndonesia. Omefano aa avalu tu wete, otaa ulike ovakriste vamwe vomonhunhu Sumatra muIndonesia noipala yavo i nehafo otai monika mefano.

OUNYUNI OTAU TONGO SHIKE

OMUKWANIILWA GWONDONGA ITA GALUKILE WE MOWAMBO

A PEWA A KALE MEVI LYAANAMA MUNEUFHOF, MALTAHOHE, OPAMUKALO GWIIPUMBU YATJIRONGO


Omukwaniilwa gwOndonga nale, omusamane **MARTIN ASHIKOTO**, ngoka a landula omukwaniilwa Johannes Namene melelo, ombala ye ya kala mOtananga, okwa pangulwa mOvenduka omasiku ngaka mepangulo edhigu nokwa futithwa anuwa R500 nenge omasiku 500 mondholongo nosho wo a kondwa mo mOndonga kaa lyatemo we, ihe a kale mUushimba mevi lyAanama yopopepi naMaltahöhe.

Ondjo okwe yi pewa kepangelo, sho a monika a tsipulithamo omeho gomufuthi Lysias Vainos noniho ompyu nomolu iikolokolo yilwe.

Komufala omutse gwokomufala ayehe muSuidwes gwomOvenduka, omusamane **Lofty-Eaton**, oye a leshe ekondo moompangu, ndyoka lya shayinwa nale nookuli komupresidente gwepangelo lyaSuid-Afrika eti- 10 lya-Apilili. Konima yomasiku gamwe omusamane Ashikoto a falwa nookuli kehala ndyoka lyAanama.

Esiku eti-17/6/67, mOwambo mOndonga mwa ningwa oshigongi moka omukwaniilwa **Paulus Elifas** a hogololwa a ninge omukwaniilwa pehala lyAshikoto. Omutumwa gwepangelo okwa uvithile oshigongi ekondomo lyomukwaniilwa Ashikoto. Komufala gwOndangwa a tumbulile oshigongi, nkene omukwaniilwa gwoshilongo nomupangeli kehe e nokukala shili omuzile nomugameni gwoshigwana. Ota tegelelwa a kale omunambili nomutekuli ti inekelwa kaantu kokuvulika kepangelo nokupangela metilokalunga. Elangeko lyomukwaniilwa Paulus (ha tumbulwa mefupipiko "Pau," otali ka ningwa komeho.

Oshiningwanima shika oshinene mehistoli lyOwambo. Otashi longo aapangeli ayehe Aawambo ya tonate nokutseya shili kutya, otaa tegelelwa ya lele aantu nombili nometilokalunga nokutseya oye nokukala ngiini nepangelo lyaatiligane nokutseya kutya, aantu ayehe oye thike pamwe koshipala shaKalunga; oya kulilwa nombinzi ondhigu yaJesus Kristus.



M. ASHIKOTO.



Omusamane Ashikoto ota laleke Aavenduka. Ota monika a petama mefano. Okwa fanekwa pondje yOvenduka sho ta falwa kevi lyAanama, Neuhof.

"OMUKWETU"
kteur: Leonard A.
romambestelo
VAMBOLAN

Uvanhu
"Itashi monika" ile
"ame itai shi tongc
sho ngaha ta kumai
Vame vounyani ou.



Mefano cmwa ulikwa vamwe vovakulunhu va yakula moshongalele shewilikongudu lOngcngahangano yovakwa Luther mounyuni, cm.o omutishofi L.Auala a kala, eshi sha ongala 11-17 Juni 1967 moshilando Waterloo, Canada. Oshivilo sha hovelwa nelongelokalunga mongerki St. John's Lutheran Church, omo omubishofi Stefano R. M'oshi (efano lopombada) wa Tanzania a yakula. Omutishofi Lilje (efano lopokati) okwa popifa oshoongalele nsho prof. Harold Ditmanson okwa popifa oshoongalele. Ongerki Otai monika yo mefano.

OUFUDIME IHAU YOFWA INAU NYIKA

Jesus ota ti: "Kape na osho sha holekwa itashi ka holclwa." Omuleshi omuholike, cnda hala oku ku dimbulukifa oshinima eshi shinene nosha fimana, ndele oshilifa yo unene, osheshi kutya, oshiningwanima keshe sha ningilwa momulaulu ile mekololo lifike peni oshi na oku ka holoka shili. Ondjovo keshe omunhu te i popi oi na okudidilikwa noku ka hololwa kOmushiti waaisho. Jesus ota ti: Ondjovo keshe omunhu te i popi oku na oku i pulwa mefiku letokolo."

Oshili ei yaJesus kai na nande efiku limwe i ka kale inai wanifwa, osho yo itai ka fudama nande efiku limwe. Omunaitaneemwenyo ota he-

omadiladilo aa: "itashi udika" ile "nosho tuu. Ota ookaume noo-Ote shi ningi o-

sheshi okwa hala okukanifa eemwenyo davo, shashi oye cmucipai nghe a dja. Okwa shiiva yo kutya, omunhu nge a yi moshili ota mangeluka nefyo itali mu lafa nande.

Paife omesho avahapu okwa twiyalifwa komutondi nova tala OSHILI ei ongo i tai ka holoka nande. Kaume kange, hasho. "Oufudime ihau yofwa inau nyika." Tala ko u tale, "Kalunga ke fi omunhu a fufye ngeno, noke fi cmona wcmunhu ngeno e lidilulule. A popye sha ngeno Ye ite shi longo? Ye a lembwele sha Ye ehe shi shakenife" (4Mos. 23:19). Ahowe, nande efiku limwe. Ashishe tashi ningwa oshi li poluhaela nomesho aye note ke shi pula note shi pe ondjabi yasho. Onghe diladila alushe osho topopi ile to longo kutya, otashi ka holoka. Opo yo u lipule kutya otashi ke ku tila shike, ouwa ile owii, omupya ile elao, ehafo ile oluhodi, omwenyo ile efyo.

Josia Mufeti.

OONDUDU NOUMHULILE ITAI KWAFASHA

Joh. W. Allen, mongulu yOradio yokutuma eendjovo d'Evangelii, Box 59, Roodepoort, Transvaal, ota nyola ngaha:

Fye otu li mongulu (studio) yOradio yokutuma eendjovo devangeli muJohannesburg, Suid - Afrika. Eshihandi nyola ngaha, elalakano lange okulonga ovamwameme, oku va pashula va didilike oshiponga shoundudu noulodi. Onda hala ndi va ulikile Jesus Kristus, nghe ta dulu oku va mangelula komwenyo mombada nomeitavelo lavo okwiitavela oondudu noumhulile.

Tete, otu nokukondja onghalo yovalaulu yeendunge doshinaulai i lunduluke, va mone imwe ipe. Otwa hala tu nwefe mo ovamwameme, va mone kutya, okwiitavela oondudu noulodi osho oupofi. Twa hala ovalaulu va koneke oshiponga shomoundudu omo ondudu ha fufya nonghe ha kengelele nokuhakula kwaye, te mu pe eitavelo loipupulu lapuka.

Moradio yedina Radio Voice of the Gospel, ohatu kunumo cmapukululo aa nde ohaa pwilikinwa kovalaulu omayovi mefimbo lixupi meeradio davo. Ovanyasha novakulunhu ovalaulu osho tave lihongo kutya, eenghono deendudu doshipaani odo de va manga meitavelo nomomadiladilo avo, odo oipupulu, da kaka nde kadi fi eenghelefi'i. Ava va pikwa komaitavelo eendudu ngenge tava vele, onawa ashike va konge ehakulo lashili mopangelo yomatumo (missions) noyomapangelo.

Fye ava hatu longekida omaudifo oo taa kunwa moradio, otu li mo vatano. Ohatu longekida moshivike keshe oipopiwa 21. Ngenge ove iho pwilikine natango oipopiwa yetu moradio yevangeli, ohatu ku shivi nde ohatu ku endelelifa, u hovele oku tu pwilikina moradio yoye. Oradio yetu tai popi meetundi 8. 15 - 9. 15 onguloshi yefiku keshe mometa 31.

Lwaxuuninwa ohatu mu kundu nde hatu ti: "Lyaamekeni omatwi eni, ehene ni oku kwaame, pwilikineni, eemwenyo deni di tulwe omukumo."

aha zi mOniipa- Omukuluntu gwoshifo/ Hoofredakteur: Omumbisofi Leonard Auala, amushanga gwoshifo/ Shemuvalula, Oniipa, Pk. Ondangwa.- Ondando komumvo mOwambo 60c, mUushimba nOkavango 80c. aga tumwe kOmukwetu, Oniipa, Pk. Ondangwa.- Moka hashi nyanyangidhwa: FINSE SENDINGDRUK-D, S. W. A.